





915140 III

Mag. St. Dr.

9v 1711

COPIA BREVIS APOSTOLICI

Foris Dilectis Filijs Nobilibus Viris Ordini
Senatorio Regni Poloniae.

Intus CLEMENS PAPA XI.



Ilekti Filij, Nobiles Viri Salutem, & Apostolicam Benedictionem. Si unquam pro Religionis, ac Patriae tutela, pro tranquillitate, ac libertate istius Regni Nobilitates Vestrae, sua in unum jungenda consilia, viresque in commune bonum unanimi studio conferendas esse constituerant, id certè præstandum omnino esse videtur hoc tempore, quo incitata in vos, ut fert rumor ab Aetholico Principe nefarii Turcarum Tyranni potentia, bellum Vobis indicare parat arreptâ occasione contentionum, per quas in partes scissam esse inpraesens Rempublicam Vestram arbitratur. Hinc satis constat, quid Vobis maximè profuturum sit ad refringendam hujusmodi hominum audaciam, si aliquid contra Vos aggredi velint; cum enim ipsi spem præcipuam provehendi suos conatus in dissidijs istic aestuantibus constituent, Vos certè tutissimam adversus eos inibitis viam, si concilia tam inter Vos, firmiterq; constabilitam concordiam tanquam firmissimum propugnaculum eorum furori opponere curabitis. Ea siquidem de bellica virtute strenuae Nationis Vestrae apud omnes homines invaluit opinio, ut nemo sit, qui ambigat, quin Poloni, si adversus infidelium acies, utcunque milite refertissimas, eâ, quâ par est, animorum conjunctione in campum prodeant, victorias sibi polliceri possint non utique minores illis, quas de eisdem Barbaris numero etiam longe dispari, ut annalibus traditum est, sæpe sæpius retulerunt. Hanc ipsam consiliorum societatem ut modò invicem retineatis de Vestra salute solliciti paterno affectu Vos etiam atq; etiam hortamur; memores enim, esse debetis, ijs Vos vinculis invicem obstrictos esse, à quibus non modò Vobis indecorum, sed planè nefas & piaculare esset, si cupe-
retis exolvi, nam præter charitatem erga Patriam (quæ ratio plurimum semper ponderis apud illustres Nationes habuit ad conciliandam Civilem pacem) commune Vobis esse debet studium servandi integritatem Catholicae Religionis, quæ vix stare potest cum simultatibus, & odijs, ac ne vix quidem ubi confo-
veantur ab ijs, qui eandem Religionem averfantur; Accedit etiam debitum datæ jurejurando non semel fidei Charissimo in Christo

Christo Filio Nostro A V G V S T O Poloniae Regi, cui sine nota Nominis Vestri, sine labe conscientiae, sine divinarum humanarumq; legum praevaricatione minimè Vobis licet deesse. Quamobrem seriò Vobiscum expendite, quid Vobis coram Deo, & hominibus in hoc rerum statu maximè congruat, ac verè expediat, atq; ex dictamine Vestrae pietatis atq; prudentiae, salutaria consilia suscipite; & Deus, qui unanimes diligit, & rectos corde, propitiabitur Nobilitatibus Vestris, quibus Nos in laetorum eventuum auspiciū Apostolicam Benedictionem peramanter impertimur. Datum Romae apud Sanctum Petrum sub Annulo Piscatoris, Die nona Maij M. DCCXI. Pontificatûs Nostri Anno Vndecimo.

Vlysses Ios: Card. Gozzadinus.

ne no-
huma-
leesse.
Deo,
xpedi-
a con-
corde,
even-
r im-
nulo
i An-

ms.

KSIĘGARNIA
ANTYKWARIAT



432414
XXXXXXXXXX

Biblioteka Jagiellońska



stdr0026119

